



# Ванал магъирсса кӀулшивуртту тӀалавну дур гъарца кӀбини

● Медициналул элмурдал доктор, профессор ХӀажи ХӀажиевлун вай гъантрай бартлаглай дур оьрмулул 85 шин.

7  
лаж.



№5  
(2171)

10 ФЕВРАЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкӀссар 1917 ш.  
ЦӀунил итабакълан бивкӀссар 1991ш.

## Къучагъшиврул ххуттай

Вай гъантрай чӀявусаннал итталун дагъунни жула ватанлув, ВгъунчӀукъатӀрал шяраватусса ХӀасан ХӀасанхӀажиевлун къучагъсса тӀудуя бусласисса кутӀасса видео. Ванал ххассал увну ур хасъсса аьралий операция нанисса кӀанттай шавурду дирсса 10 аьраличу.

ХӀасан ХӀасан-хӀажиевлун ххассал увну ур, Хаймерсрал снарядрал цӀалцӀив шуну, шавурду дирсса 10 аьраличу.



Зулайхат ТАХАКЪАЕВА

Ванал шяравучу Зиябуттин ХӀажимирзаевлул бусаврийн буну, «Мосгазрал» директор ХӀасан ивкӀун ур хасъсса аьралий операция нанисса кӀанттай пала къуллугърал иширай командировкалий увкӀун.

– МахӀаттал хьунсса затнугу хъанай бур, ва иш ссуттилва хьуну бивкӀун бунува, жунма дахъа утти аьлтту шаву. Ванал цалва гъан-маччаминнангума му кӀулну бивкӀун бакъар. ХӀатта ттигума къабавнува личӀанссия, агарда «Россия 24» телеканалданул алхӀаткӀини хьун дакъасса сюжет ккаккан къабувссания, – тий ур Зиябуттин.

– Ашкара хьунни ХӀасаннул ххассал увну ивкӀшиву, Хаймерсрал снарядрал цӀалцӀив шуну, шавурду дирсса 10 Аьрасатнал аьраличу. ПӀякъучаву хьуну дур ХӀасан усса кӀанттая арх дакъа. Анавархъиндарай пала куклу

машиналий лавгун, цинявппа шавурду дирминнан цалчинсса кумагу буну, ВСУ-лул ритлатисса цӀалцӀал цӀаравух буккан буну нигъачлаву дакъасса кӀанттайн, гичча биян буну бур госпитальданийн.

Зиябуттиннул бусаврийн буну, ХӀасанхӀажиев ккаккан увну ур «За заслуги перед Отечеством» ордендалун.

Ванан баян буну бур Баргълагавал аьралий округрал аьралуннай каялувшиву дуллалисса генерал-полковник Сергей Кузовлевлун цӀаниясса Барчаллагъу.

Гъизбуллагълул арс ХӀасанхӀажиев ХӀасан увну ур февраль зурул 2-нний 1955 шинал. Къуртал буну бур Москвавуллал Энергетикалул институт. Зий айивхьуну ур Аьрасатнал Федерациялул коммунал хозияствалул аралулу. 1988 шинал зун ивкӀун ур СССР-данул Элмурдал академиялул Дагъусттанналмур филиалданий, промышленностьраву ишла

дайсса цӀакъсса чугун ахтар давриха. 1999 шинал ХӀасан цӀакъ увну ур Москвавуллал Ччуччиялул ва энергетикалул хозияствалул департаментрал отделданул хьунама пишакарну.

Тания мукъах, 2017 шинал иянинин, ХӀасаннул бивтун бур лахъисса захӀматрал ххулу, укунасса зузалая айивхьуну, «МОСГАЗ-рал» директорнал къуллугъраин лахъаннин. Ва къуллугърай зий дурну дур 8 шин. 2017 шинал ванал бивкӀуну бур Строительствалул ва промышленностьрал комплексрал регионнал дянивсса академиягу.

2017 шинал ивтун ур Москвавуллал ЖКХ-лул Департаментрал каялувчину.

ХӀасан ХӀасанхӀажиев лайкъ хьуну ур «Москвавуллал хӀурмат лавайсса энергетик», «Москвавуллал ЖКХ-лул хӀурмат лавайсса зузала» ва «Аьрасатнал Федерациялул бусравсса энергетик» тӀисса цӀардан.

## Талатиминнал дакӀру чанссарагу гъили лаганшиврул...

Украиннаву талатисса жулва чиваркӀуннан гуманитар кумаг буллалисса давурттаву хьхьичӀунну зузисса ЦӀуминалиясса лакку душаврал хавар баяйхту, ттун вайннушал хьунабакъин ччан бивкӀуна. Вай льякъунни 1999 шинал ЦӀуссалаккуйсса дяввилул ппурттуву цил цӀа машгъур хьусса, Чувшиврул ордендалул заллу Полина Халиловагу, Геологиялул институтрал зузала ПатӀимат Базмановагу.



ЦӀуссалаккуя фронтраин бивсса чӀава Базмановлул мишка



ПатӀимат РАМАЗАНОВА

Кивагу ттунмагу ххуйну кӀулсса. Лавгра вай уртакъну зузисса штабравун, МахӀачкъалалив Имам Шамиллул цӀанийсса кучалийсса «Спорт» патирханалувсса кӀилчинмур зивулийн. Ва хъанай бур «Солидарность и Свобода» тӀисса Жяматийсса советрал идаралул штаб.

➔ Амир 6 лаж.





# АпатІру Турциянал ва Сириянал агъалинайх кьини дурккунни

Турциянаву ва Сириянаву аьрши сукку хьуну ливтІуминнал ва бившуминнал сияхІ ссятрая ссятрайн хьунна хъанай дур.



ПатІимат РАМАЗАНОВА

АрвахІкьини кІюрххил ивкІусса 6234 инсан хьушиву, шавурду дирсса 37 000-нниха ливчусса бушиву баян бувна Турциянал Президент Ражаб Тайип Эрдоганнул. ЯтІул Ххачлил баян бувна Сириянаву тталаткьини ахттакьунмай 1500-нниха ливчусса инсантал ливтІусса бушиву. Турциянал хьунанал бившуминнал, эяллайн дуркксса кьатри зехлай, инсантал ххассал булла, зий бушиву 50 000-нниха ливчусса инсантал. Аьрасатнал Минобороналул баян бунни Сириянавусса Аьрасатнал аьралитурал ца кьини 42 инсан лекьурдава ххассал увшиву. Февраль зурул 7-нний Аьрасатнал 113 ххасалбуву Турциянаву зий айивхьушиву, хьирив кьинигу ххасалбувултрал группа тІайла буклакшиву баян бувна Аьрасатнал МЧС-рал хьунанал.

Аьрасатнал Президент Владимир Путиннул, Дагъусттаннал хьунама Сергей Меликовулугу гассят баян бувна цивпа Тур-

циянал ва Сириянал билаятиртал агъулданухь кьурчІишиву кІидачІлай бушиву ва шайсса кумаг бунан хІадурну бушиву.

ДақІиний бутанну Турциянаву, Кахраманмараш провинциялий, цан-чаннаву аьрши сукку хьушиву, му цурдагу 1939 шинная шийннай яла гужмур хьушиву. Зарзала хІисав хьуну дур Ливаннай, Иракьнаву, Израиллай, Гуржистганнай, Абхазиянаву ва Аьрасатнаву Сочилий.

Сириянаву Алеппо, Латакия, Хама, Тартус провинциярттайгу хьунисса зараллу хьуну бур агъалинан ва кьатран. Табаьатрал цила гуж-кьуват ккаккан бунни цал уттигу. Инсантураннив цал уттигу исват хьунни цивпа тачІав Табаьатрал кашилушчал кьалайишиву, мунил бияла хьуншиву. Аллагьнал хьинмур чивчуну лякьиннав! Турциянал ва Сириянал билаятиртай ливтІуцириннал аьпа баннав, цуншьяртгу хьуми чьяни ччаннай бацІаннав, лекьа-пІякьу хьусса шагьурду цу буккан буллансса ссавургу, кашигу агъалинахьхьун дулуннав!

«Аьрасат – ттул тарихри» тІисса МахІачкьалалал тарихий-сул лагьрулий окопирттаву ишла буллансса хьамул чирахьру бунан лахьхьин буллалисса мастер-класс.

Чирилунсса даву

## Окопирттансса хьамул чирахьру



ХІажи ва Марзият Илиясовхьул Интизар Мамутаевацал

ПатІимат РАМАЗАНОВА

Ва даврил сиптачиталну бур Цуликьяннал шьравасса, МахІачкьалалив яхъанахьисса ХІажи ва Марзият Илиясовхьул, «Ниттихьал гуж» тІисса ккуран, Буттал кІанттул Талаталтрал кулпатиртал комитет, Дагъусттаннал хъаннил союз, «Единая Россия» партиялул хъаннимур ккуран ва кІицІ лавгсса парк цуппагу. БавтІцириннахьхьун ссалам буллалисса махь лахьлай, миллатирттал политикалул ва диндалул иширттал министр Энрик Муслимовлул барчаллагь увкунни акциялул сиптачитурахь, кІицІ лавгунни «Гьарзат фронтан! Гьарзат Ххувшаврин!» тІисса лозунг хІакьинусса кьини цунил агъамсса душиву ва ххувшаву гъан дулла



хІарачат буллалисса республикалий чІявусса бушиву. СВО-лул гьуртучитурал Ибрагьимхалил ХІажиевлул и Атай Сайпулавлулгу кІицІ лавгунни талаталтран дақІ дуллалисса чумарт-

шиву асар хъанахьишиву. Тарихийсса паркрал хьунама Тимур Велихановлул цайми идарартталгу цачІара дуллалисса даву тикрал дуванссар тІисса вихшала душиврий чІурчІав дунни.

Дагъусттаннал Информациялул ва печатьрал агентствалул хьунанал цалчинма хьиривчу Наида МахІаммадовал кІицІ лавгунни билаятрал тарихраву цимилагу исват хьушиву кьинттулулхмигу цахьуну зузавриву бушиву жулва гужгу, кьуватгу.

Ихтилатру бунни Республикалул ХІукуматрал ва БақІинал администрациялул проектирттал отделданул хьунама Шамиль Аьлиевлул, Дагъусттаннал Хъаннил союзрал хьунмур Интизар Мамутаевал, «Бизнесрал хьами» ДРО ООО-лул хьунмур Ссапижат МахІаммадрасуловал.

Мероприятиялул ахирданий балайчитурал Зульфия Илиясовал ва Мурад Хушлаевлул увкунна патриот темалул балайрду.

Январь зурул 20-нний бувксса «Илчилул» 2-мур номерданий жу бувссья окопирттаву ишла бансса хьамул чирахьру буллалисса Илиясовхьал кулпатрая, вайннал шаппа бувсса 500-нниха ливчусса

## Ниттиуссил суратрахь гъалгъа тІисса чІивитІу



Алик Гьазиевлул ссил душмунлул кІира шин бартларгсса кьини цалчин зумух лавсун бур «дядя» тІисса махь. ...

Аликлул цанмарив чІивитІу ккакканмагу нясив хьуну бакьар: цал лахьисса командировкарттай ва учениярттай ушиврий буну, яла тІурча, хась-

сса аьралий операция байбивхьуну.

Утирив Владикавказулул пехоталул чумартсса талатала, чІавама сержант Алик Гьазиев суратирттая ур чІивитІух уруглай. Цуппагу бия тІар, суратру канища шьв кьадихьлай, миннушчал гъалгъа тІий.

Асар хъанай бухьунссия

чІивитІун цуксса чІурусса диркІссарив ниттиуссил цихрасса ччаву, цуксса хьихьи ласунтІий бивкІссарив ганал цуппа.

Ниттирссин ПатІиматлул Ххадижат льякьуну бур Аликлул кьатлуву, ганал суратру дусса столданул хьхьичьсса кІанттуйгу шьябивкІун, пашманну гайннух ялугълай. Нузах цуппа видеолыйн ласласисса ПатІимат ххал хьувкун, чІивитІу бур, Аликлул суратрайх кагу дуклай, «дядя» тІий, ккаккан уллай. Яла тІурча, кьинибархан бия тІар, ярлийх суратругу ласлай, гайннушчал гъалгъа тІий.

Алик ия мукьва ссил даяив увагу усса ца арс, Ххадижал увагу усса ца ниттиуссу. Ганал ца шава шаймур бувссар чІивитІул оьрму дакъаву дусса аьршарай бутаврил ххуллий. Дуллуссар, хІайп къакуну, цалла жьгылсса жан, цала хьирив виричусса аьпа ва цІагу кьариртун. Амма ссалчІав къабугьантІиссар чІивитІун ниттиуссил кІану.

ТалихІрайн букканнав чІивитІу! Кьаккакканнав тачІав ганил никиран дьяви! Кьабаннав миннан, ххарисса дакъа, макь рутІин!

Олег МАРЗОВЕВ,  
запасрайсса хІаписар

## Цуссалакрал райондалия Къучагъшиврухлусса медаль

Донбасс бурчлачисса хасъсса аьралий операциялува дагъусттан оьрчал цунилва-цунил ккаккан дуллай бур цала сивау ва къучагъшиву.

Андреана АБДУЛЛАЕВА

Чансса бакъар вайннавух жула лакку оьрчлугу. Цанасса чумал гвардиялу хъунама лейтенант, гужум бай взводрал командир Оьмар Абдурахманов гуртту хъанай ур Донецкалла областрайсса Марьинка шагьрулул чаравсса къызгынсса талатавурттау.

Оьмар ур Тюхчардал шярвасса. Ва буслай ур гъарица къатлул, гъарица зивулул цаний най

душиву талатавуртту.

Марьино шагьрулул наклил заводрайн гужум бивсса чумал ванайн шаву дирну диркун дур. Хъин шайхту, цунилгу цала кьукълувун зана хъуну ур. Оьмардул бусласимунийн буну, вай талатисса квантурдай чъявусса наемниктал бусса бур. Ци чулийгу, чъясса чумул муталий ца ттигу агъамсса объект канийн ласунсса пикрилий бур.

Аьрасатнал Президент В. Путиннул хкумулийну Оьмар



Оьмар Абдурахманов

Абдурахмановлул дуллуну дур «За отвагу» ва «За взятие Попасной» тисса медаллу.

## Ккуллал райондалия Царава уккан увну ур арула саллатI

Хасъсса аьралий операциялува къучагъшиву ккаккан дурсса лакку оьрчавасса ца ур Ккуллал шярвасса МахIарамлул арс МахIаммад Даххаев.



МахIаммад Даххаев

Андреана АБДУЛЛАЕВА

МахIаммад увну ур 2001 шинал май зурул 16-нний. Ванан 8 шин хъусса чумал дунияллия лавгун ур вайннал ппу. Кулпат къашавайсса ниттихун багъну къабитан, МахIаммадлул, буттал хъар цайнна ларсун, чивину унува зий, захIмат буллан багъну бур. Ва чивинийва сивсусса, къянкъакъурчIисса, жаваблувшиву дусса оьрчI ивкун ур.

Армия лавхъун махъ ва цала хушрай лавгун ур хасъсса аьралий операциялува гуртту хъун. Цана къулдуграл бурж лахълай ур Запорожулла областрайсса Щербаки тIисса поселокрай. Шиксусса ца талатавриву вагу, ванащалсса аьралиталгу душманнал луркIандалухъхъун биривну бур. Ва усса батареялийн душманнал гужса цу дирхъуну, шанна танк бат дурну дур, аьралитурин шавурду дирну дур. МахIаммадлул, ниъга къаувсун, бацIаву дакъа битлатисса ккуллардал царава уккан увну ур арула саллатI. Щавурду дирминан цалчинсса медициналул кумаг буну бур. Ва ишираву цувагу контузит хъуну ур.

МахIаммадлул паччахIлуграл награда дулун ккаккан буну бур.

Цана МахIаммадлул 22 шин дур. Ванах ялугълай бур нину ва кIия уссу. Ссавур вайнахъхъун дулуннав, МахIаммадгу дакI ххарину зана хъуннав.

## Лакрал райондалия Чувшиврий лархъсса къини

Курккуллал школалий лавайсса даражалий кIицI ларгунни Ленинград блокадалува буккан бивсса къини.



Андреана АБДУЛЛАЕВА

Шярваллил майдан къинилуха лавхъхъуну чюлу буну бия. Чиргтайн лархъун дия блокадалия бусласисса плакатру ва суратру. Ца чулух бия Ленинградулла халкъуннан итабакълай бивкIсса 200 гр. дусса лухIи чатIул касакру бивхъусса стол. Мюршимигу, хъунимигу, ми ласун талоннугу дургъуну, лахъисса ирглий бавцуну бия. Вайнах уруглагинал дакI аьсив дукалай дия. Учителтуралгу, дуклаки оьрчIалгу хъинну лавхъхъуну ккаккан дунни немецнал вив лавсъсса Ленинградулла хъами-оьрчIал сипатру.

Ленинградулла блокадалия бусласисса ихтилат бун-

ни мероприятиялул сакиншинначи, школалул завуч Дианат ХIусмановал. Учителтурал ва оьрчIал дурккунни дяъвилул темалийсса назмурду.

ДакIнийн бутан, Ленинград бивкIссар блокадалува 900 гъантлий, 1941 шинал сентябрь зурул 8-нния байбивхъуну, 1944 шинал январьданул 27-ннийн бияннин.

Буттал квантурдай цанийсса Хъунмасса дяъвилул тарихраву Ленинград шагьрулул агъулданийн дурксса къинирду яла оьхIалми хъуссар. Ккашилну, бьавкъуну, лекъа-пIякъу хъусса къатраву, цукунчIавсса оьрмулул шартIру дакъасса квантурдай 900 къини лархъссар Ленинградулла халкъуннал.

## Студентътуращалсса хъунабакъаву

Февраль зурул 2-нний ЧIайннал Магьирлуграл къатлува хъунни кIинтIулсса каникуллай шярвун бигъалаган бивкIсса студентътуращалсса хъунабакъаву. МероприятIялул сиптачи ва сакиншинначи хъунни ЧIайннал шярваллил Магьирлуграл къатлул хъунмур Алхасова СалихIат.

Имара САИДОВА

«Ва ххуллусса мероприятие на хас дурссия студентътуран. ХъьичIара жул шярву чъячъяни дайссия студентътуращалсса вечерду. Мунияту, тгун пикри хъуна, дулкаки оьрчIру студентътуращал дахIаву дуну, хIала-гуртту бикIаншиврул, миннашал кIул бан, дус бан», – увкунни СалихIат Алхасовал. Студентътурал оьрмулиясса ва дулкаки оьрчIахъ насихIатру



буллалисса ихтилатру бунни Абдуллаев Арсеннул ва Апанниева Магьиятлул. Магьият дукалай бур МахIачкъалалив Правовой академиялува юридический факультетрай.

Ихтилатирттая махъ, ув-

кунни балайрду, дунни къавтIавуртту, конкурсру, викторинарду. ХIасил, хъунни дакIний личансса вечер.

Ахирданий риршунни студентътуращалсса дакIний личансса суратру.





Хіажи Хіажіев

Андріана АБДУЛЛАЕВА

Апаннінал арс Хіажи увну зурул 14-нний Хьурттал шяр-ву. Цала чіумух бурувгун, хьинну чантІ увкусса инсан ивкІун ур ппу Апаннигу, динийссагу, дунявийссагу кІулшивуртту дусса.

Лакраву ва хьуну ур ПаччахІ-лугьрал университетрал кІулшивуртту ларсьса цалчинсса учи-

Юбилейран хасну

## Ванал магьирсса кІулшивуртту тІалавну дур гьарца кьини

Дагъусттаннал медициналул дуняллий (къамедициналулмунийгу) хьинну чансса бакъа бакъа-хьунссар уссурвал Хайруттин ва Хіажи Хіажиевхьал цІарду къабавсса, къакІулсса. Медициналул элмурдал доктор, профессор Хіажи Хіажиевлун вай гьантрай бартлаглай дур оьрмулул 85 шин.



Хіажи ниттишал Аминатлушал ва щарссанишал Асиятлушал

Ца-ца чІумал зун-ттал шярваллавун къашайшалачІан, я машиналий, я само-летрай гьан къахъанай, дучрай гьан багъ-ссагума ишру шайсса бивкІун бур.

бусса жагьил институтравугу хьхичІунну ивкІун ур. Ва гьуртту шайсса ивкІун ур институтрал жяматийсса давурттавах. Шанна ши-

медициналул университетрал 1-мур госпитальная терапиялул кафедралул доцентну. 1974-1978 шиннардий СССР-нул ЦІуллу-сагъшиву дуруччаврил министрвалул ва тІайла увккун ур Алжирдайн. Тийх Оран тІисса шагьрулул поликлиникалийгу зий, тиккувасса университетраву дарсругу дихьлай ивкІун ур. 1990-ку шиная айивхьуну, зий ивкІун ур Дагъусттаннал медициналул университетрал виваллил азардал кафедраллий: 1990-2013-ку шиннардий – доцентну, 2014-ку шиная айивхьуну – кафедралул профессорну. 2002-ку шинал лайкьну дурурччуну дур медициналул элмурдал докторнал диссертация.

Чув зий ухьурчагу, ва мудан къашайшалт хьин баврил даврил жаваблувману ивкІун ур. Ванал гьурттушиндарайну клиникарттай диагноз дишаврил ва хьин баврил цІу-цІусса къай-дарду ишла дуллан бивкІун бур. Хіажи Апанниевич чІярусса шиннардий каялушиву дуллаи ивкІун ур агьалинан кумаг бан Дагъусттаннал шагьрурдайн ва районнайн заназисса медициналул академиялул бригадалий. Дагъусттаннай бакъахьунссар цавагу шагьру, царагу район инжитсса къашайшалачІан Хіажи Апанниевичлун къаоьвксса.

Ца-ца чІумал зунттал шярваллавун къашайшалачІан, я машиналий, я самолетрай гьан къахъанай, дучрай гьан багъ-ссагума ишру шайсса бивкІун бур.

Укун, цикссагу инсантурал оьрмурду ххассал бувсса хІакин ур Хіажи. Институтрал цІуллу-сагъшиву дуруччаврил ххулий ванал дурсса лайкьшивуртту чІярусса дур. Ванал КІунттила бувккун бур 136 элмийсса лу, ва учебно-методический пособие, миннува 11 – француз мазрай, дазул къатІув зузисса чІумал.

Хіажи ур Дагъусттаннал лайкь хьусса хІакин. ЗахІатрал ххулий ванал хІалал дурну дур личІи-личІисса наградартту.

Махьсса цимирагу шинай зий ур Муххал ххуллул азарханалий.

Хіажи Апанниевичлун бур Хшанма оьрчІ. Душ Зулайхат ва арс Оьмар, буттал пиша язи бувгуну, медициналул ххулий лавгун бур. Зулайхат бур медициналул элмурдал кандидат, зий бур Дагъусттаннал Медуниверситетраву госпитал терапиялул кафедраллий. Оьмар зий ур Республикалул клиникалул азарханалий къюкІлил ва туннурдал хирургиялул отделениелий. Апанни тІма арс экономист ур.

Цанагу Хіажи Апанниевич Муххал ххуллул азарханалий зий ур. Ванал хІурмат-къимат ххишала бакъа хьунмасса бур архІал зузиминнал ва студенттурал дянив. Ванал куртІсса кІулшивуртту ва магьирсса опыт тІалавну бур му-дангу, гьарца кьинигу.



тель. Амма 30-ку шиннардийсса репрессиярттал шатІи ванайнгу шуну бур цІун хьунну. 1937-ку шинал ахирданий дуснакъ увну, тивува аьпалухьхьун лавгун ур.

Хіажинан буттал лажин ккарккун дакъар. Гьумук 5 класс къуртал байхту, хьунама уссил Хайруттиннул ва цачІана шагьрулийн увцуну ур. Оьрус маз ххуйну къакІулсса оьрчІан цІу бутІуй захІмат хъанай бивкІун бур шагьрулул школалий дуклан. Амма ца шинава ванал цІа шко-лалул хьхичІунсса учениктура-вах хьуну дур. Хіажинан яла

ххирамур тарихрал дарс диркІун дур. Цувагу, школа къуртал байхту, Москвауллал университетрал тарихрал факультетрайн уххан ччай ивкІун ур. Амма иш цамур кушуй багьну бур. Школа ххуйсса къиматирттай къуртал бувсса унугу, буттайсса «тан-гъа» сававну, къамул къаувну ур. Уссин Хайруттиннунив ва, цува куна, медициналул ххулий лавгун ччай бивкІун бур. Ванах вичІи дирхьуну, Хіажигу Дагъусттаннал медициналул институтравун увххун ур.

Дуккин бюхьугу, гьирагу



Ирсирал ахьулсса

най институтрал студенттурал элмийсса обществалул каялувчигу ивкІун ур. Институт къуртал байхту, 1963-ку шинал, зун ивкІун ур шагьрулул 1-мур поликлиникалул участокрал хІакинну, шагьрулул 1-мур азарханалул ординаторну ва оьгту бутІайсса станциялул хІакин-лаборантну. Ца шинава Москвалив лавгун, увххун ур И.М. Сеченовлун цІанийсса 1-мур медициналул университетрал аспирантуралувун.

Цанма хьунмасса бахтти хьу-швирун ккалли буллаи ур Хіажи дуняллийх цІа дурксса терапевт А.Л. МясниковлунчІан агьаву.

1966-ку шинал аспирантура-гу къуртал бувну, лайкьну ду-рурччуну дур ванал медициналул элмурдал кандидатнал цІа. 1974-1989-ку шиннардий Хіажи зун ивкІун ур Дагъусттаннал



Буттал шярвалу чІалачІиний



ИТНИ, 13 ФЕВРАЛЬ

05.00 «Доброе утро». 09.00 Новости. 09.20 «АнтиФейк». (16+). 09.55 «Жить здорово!» (16+).

23.45 «Подкаст.Лаб». (16+). 03.00 Новости. 03.05 «Подкаст.Лаб». (16+).

ТТЛАТ, 14 ФЕВРАЛЬ

05.00 «Доброе утро». 09.00 Новости. 09.20 «АнтиФейк». (16+). 09.55 «Жить здорово!» (16+).

23.45 «Подкаст.Лаб». (16+). 03.00 Новости. 03.05 «Подкаст.Лаб». (16+).

АРВАХИ, 15 ФЕВРАЛЬ

05.00 «Доброе утро». 09.00 Новости. 09.20 «АнтиФейк». (16+). 09.55 «Жить здорово!» (16+).

23.45 «Подкаст.Лаб». (16+). 03.00 Новости. 03.05 «Подкаст.Лаб». (16+).

ХАМИС, 16 ФЕВРАЛЬ

05.00 «Доброе утро». 09.00 Новости. 09.20 «АнтиФейк». (16+). 09.55 «Жить здорово!» (16+).

23.45 «Подкаст.Лаб». (16+). 03.00 Новости. 03.05 «Подкаст.Лаб». (16+).

НЮЖМАР, 17 ФЕВРАЛЬ

05.00 «Доброе утро». 09.00 Новости. 09.20 «АнтиФейк». (16+). 09.55 «Жить здорово!» (16+).

23.20 X/f «Как быть хорошей женой». (16+). 01.20 «Подкаст.Лаб». (16+).

ХХУЛЛУН, 18 ФЕВРАЛЬ

06.00 «Доброе утро». Суббота. (12+). 09.00 «Умницы и умники». (12+).

ALXIAT, 19 ФЕВРАЛЬ 06.00 Новости. 06.10 «Подкаст.Лаб». (16+). 07.00 «Играй, гармонь любимая!» (12+).

РОССИЯ 1

ИТНИ, 13 ФЕВРАЛЬ

05.00 «Утро России». 07.35-07.41 Местное время. Вести-Дагестан.

ТТЛАТ, 14 ФЕВРАЛЬ

05.00 «Утро России». 07.35-07.41 Местное время. Вести-Дагестан.

АРВАХИ, 15 ФЕВРАЛЬ

05.00 «Утро России». 07.35-07.41 Местное время. Вести-Дагестан.

ХАМИС, 16 ФЕВРАЛЬ

05.00 «Утро России». 07.35-07.41 Местное время. Вести-Дагестан.

НЮЖМАР, 17 ФЕВРАЛЬ

05.00 «Утро России». 07.35-07.41 Местное время. Вести-Дагестан.

ХХУЛЛУН, 18 ФЕВРАЛЬ

05.00 «Утро России. Суббота». 08.00 Местное время. Вести-Дагестан.

ALXIAT, 19 ФЕВРАЛЬ 06.15 Светлана Антонова, Сергей Юшкевич и Василий Степанов в фильме «Страховой случай».



ИТНИ, 13 ФЕВРАЛЬ

07.00 Время новостей Дагестана. Итоги. 08.00 «Королева спорта» 0+.

ТТЛАТ, 14 ФЕВРАЛЬ

07.00 Время новостей Дагестана. 07.20 Передача на табасаранском языке «Мил» 12+.

АРВАХИ, 15 ФЕВРАЛЬ

07.00 Время новостей Дагестана. 07.20 Передача на лакском языке «Арыши ва апылу» 12+.

ХАМИС, 16 ФЕВРАЛЬ

08.00 «Королева спорта» 0+ 08.10 Мультифильм 0+.

НЮЖМАР, 17 ФЕВРАЛЬ

07.00 Время новостей Дагестана. 07.20 Передача на аварском языке «Паланги памалити заманти» 12+.

ХХУЛЛУН, 18 ФЕВРАЛЬ

07.00 Время новостей Дагестана. 07.20 Передача на нугалском языке «Вахтар ва инсанар» 12+.

ALXIAT, 19 ФЕВРАЛЬ 07.00 Время новостей Дагестана. 07.20 Передача на нугалском языке «Вахтар ва инсанар» 12+.



ИТНИ, 13 ФЕВРАЛЬ

04.50 Т/с «АЛЖИ.Р». (16+). 06.30 «Утро. Самое лучшее». (16+).

ТТЛАТ, 14 ФЕВРАЛЬ

04.45 Т/с «АЛЖИ.Р». (16+). 06.30 «Утро. Самое лучшее». (16+).

АРВАХИ, 15 ФЕВРАЛЬ

04.50 Т/с «АЛЖИ.Р». (16+). 06.30 «Утро. Самое лучшее». (16+).

ХАМИС, 16 ФЕВРАЛЬ

08.00 «Сегодня». 08.25 Т/с «Делта». (16+).

НЮЖМАР, 17 ФЕВРАЛЬ

08.00 «Сегодня». 08.25 Т/с «Делта». (16+).

ХХУЛЛУН, 18 ФЕВРАЛЬ

08.20 «Поэтом, поем!» 09.20 «Едим дома».

ALXIAT, 19 ФЕВРАЛЬ 04.50 Т/с «АЛЖИ.Р». (16+). 06.30 «Утро. Самое лучшее».



## «Илчилул» календарь

## Ва нюжмардий бувссар

\*\*\*

Февраль зурул 7-нний 1944 шинал увссар Дагъусттаннал цанихсса дирижер **Рамазан Хажиев**.

\*\*\*

Февраль зурул 8-нний 1863 шинал увссар бусурман диндалул аьлимчу, чичу **Муркъилинахъал Юсуп-къади**.

\*\*\*

Февраль зурул 8-нний 1949 шинал увссар АьФ-лул лайкъ хьусса зузала, «Дагестан» ГТРК-лул директорнал хъиривчу **Ссалам Хавчаев**.

\*\*\*

Февраль зурул 8-нний 1940 шинал бувссар филологиялул эл-мурдал кандидат, публицист **Роза Эльдарова**.

\*\*\*

Февраль зурул 10-нний 1944 шинал увссар «Вираз» ООО-лул каялувчи, ДР-лул Жяматийсса палаталул председателнал хъиривчу **Ссапарбаг Абдуллаев**.

\*\*\*

Февраль зурул 11-нний 1960 шинал увссар ФСБ-лул полковник, Ростехнадзорданул Ккавказулул управлениялул каялувчинал хъиривчу **Артур Амутинов**.


## Барча бавуртту

Февраль зурул 14-нний 85 шинал юбилей кийи лаглай ур Хьурттал шяраватусса медициналул элмурдал доктор, профессор, **Апаннинал арс Хажиев**.

Хажиевусса кьинигу ва хисав хъанай ур ца яла бусравса ва хъхичлунсса хажинну-аьлимчуну. Ва ур Дагъусттаннал медициналул университетрал профессор. Элмулул даву дакъассагу, ванал дарсругу дишайссар студенттурахъ кива мазрай – оьрус ва англис. Жард къаувкуну зийгу уссар Махачкъалалал муххал ххуллул азарханалий.

Хажиев ларгсса шинал, Хьурттал шяраваллил кьини дуллалийни, увчуссар жяматрал арамтурал дянивсса Хурмат лавайсса хъуначуну.

Юбилейгу барча дуллай,



Ча тий буру Хажинан оьрмулия шалихханнин итансса цулулушиву, ттининнин куна, ттиния тихунайгу ина мукуна бусравну, ххирану личаннав тий буру. Буллалимуницлун кабакьиннав. Оьрчал ва оьрчал оьрчал ххари уллай итаннав.

**Хьурттал жяматрал цания Шамил Кьурбанов**

## «Лакку оьрчлру бувклукун, ххари шара»

Анриана АБДУЛЛАЕВА

Цанихсса лачлунуку, Совет Союзрал ва Аьрасатнал лайкъ хьусса тренер **Махаммадхажиев Анвар Абдуллул арс** увну ур 1956-ку шинал февраль зурул 15-нний Чарадиял райондалийсса Моксоб шяраву. 1977–1979 шиннар-дий Бахчисарай тийсса шагьрулий спортрал роталуву кьулугъ буллайгу ивклун, аьраллий бурж лахъайхту, увххун ур Запорожуллал Шяраваллил хозяйствалул институтравун. Муния махъ лачлун буккаврихун агьну, кийла Совет Союзрал, цал Европанал чемпион хьуну ур. 1989-ку шиная айивхьуну, зун ивклун ур тренерну. Мукуцаллихъийсса шиннар-дий тренершиву дуллай, ванал хладур буну бур ххувшавуртту ларссьса цикссагу лачлунбуккулт. Анвардул хладур бувссар олимпий чемпионтал Хажимурад Махаммадов ва Шарип Шарипов. Ваначла хладур хъанай ивклун ур жула лаккучу, лачлун буккаврил Дуниялул азиат тюркюрдал чемпион, Аьрасатнал ва Европа-



нал чемпион Кьурбан Кьурбанов. Аьрасатнал чемпион хьусса Ибрагим Ибрагимов цланугу ваначла хладур хъанай ур.

– Лакку оьрчлру бувклукун, ххари шара. Гьирарай зун иклар миннашал. Цулулу-цакъсса, спортрал чулуха итхьяхьсса оьрчлру биклай, – тий ур Анвар.

Барча тий буру Анвар Абдуловичлухъ увсса кьини. Ттиния тихунмайгу чьивусса чемпионтал тарбия буллансса цулулушиву ва кашу-къудрат дулуннав ви-хьхун!

Бадрижамал АБЛИЕВА

Му проектрал автортал хьуннабавкьунни Дагъусттан Республикалул культуралул министр Зарема Буттаевашал ва гьарта-гьарзану бувсунни цалла сипталия.

Проектрал пландалийн буну дувантгий бур шаэрнал таржумачитураллал, дустирашаллал, кулпатравуминнашаллал ва уртактураллал эксклюзив журалул видеорду, датлантгий бур шаэрналун дархусса дакнийн бичавуртту. Чачлун дурну дур шаэрнал архивраваллал видеорду, ванал шеьрирдаллал фотокартчкарду, ванал мукьурт-тийнуса балайрду.

Проектрал автортурал бур ванал география гьарта-гьарза дансса пикри.

– Расул Хамзатов ивну ур личий-личийсса билайирттайн ва регионнайн, ванал дустан бакъасса клану къабивкун бур. Жул пикри буссар проектра-вух гьуртту хьун буван шаэрнал СНГ-лул билайирттаясса ва цайми регионалсса дустан, ванашал клуну бивкми. Умуд бур

## «Хамзатовлул кьуш»

Вай гьантрай Махачкъалалив хьунни «Сакля Гамзатова» тийсса спецпроектрал презентация. Ва дур Расул Хамзатов ниттил увну 100 шин шаврин хасьсса проект. Ванал автортал бур Дагъусттаннал ЦУР-лил (Центр управления регионом) каялувчи Султан Абдуралимов ва ванал хъиривчу Ганжеви Хажибалаев.



ва проектрай культуралул ва информациялул цийнура цурдасса портал хьунсса тийсса, – увкунни Г. Хажибалаевлул.

Зарема Буттаевал цила чулуха ххи бунни ва сипта баклун дуккан давриву цицава шайсса кумаг бунантйиву.

– Тул пикрилий, ва проектрал рубрикерттал формат, ва щаллагу концепция цара-цану хлаз дизанссар оьрмулул хьуниннан ва жагьилминнан. Жу хьуннасса ххаришиврушал ва даврил чларав бацантйиссару, – кунни ванал.

## Оьрчлан халкьуннал пишарду клулну бикланшиврул



Махачкъалалив, Дагъусттан Республикалул Художниктурал Мсоюзрал кьатрал Выставкартту дувай залданува, хьунни халкьуннал канил пишардал мастер-классру.



Бадрижамал АБЛИЕВА

Вай хьунни декоратив-прикладной искусствалул «Дагъусттаннал шарашив» тийсса цанилусса Республикалул выставкалул лагрулий ва халкьуннал шаэр Р. Хамзатов ниттил увну 100 шин шаврин хасну. Вайннул сиптачитал



Зугьра Гьарунова

класс бачин буну бия Земфира Мусаева, ссихъри даврилсса – Зугьра Гьарунова. Ва кьини, вай бакъасса, мукунма хьунна цайми пишардалми мастер-классругу. Вайннувах гьуртту хьунна 200-ннийн бивсса жагьилтал: Политехнический колледжрал, Дизайндалул, экономикалул ва правалул техникумрал студенттал, генерал-полковник Г.Н. Трошевлул цанийсса Дагъусттаннал кадеттурал корпусрал дуклаки оьрчлру, кулпатран ва оьрчлан социал кумаг баврил Республикалул центрданул аякъа дуллалисса оьрчлру.

Шиккува искусствовед Татьяна Петенинал оьрчлан бунна «Жула Расул» тийсса выставкалийсса экскурсиягу.

Земфира Мусаева

ва сакиншинначитал бия ДР-лул Культуралул министерство ва Халкьуннал творчествалул кьатта.

Ва кьини мастер-классру буллай бия халкьуннал пишардал устартал, вайннувах бия лакрал миллатраяссагу: бархъаллал тлахлунтту даврилмур мастер-



Адабият  
лаҗин



**РАСУЛ ХАМЗАТОВ**

## Нузкьунттайсса ва хьуурдайсса чичрурду

\*\*\*

Ххуллусай, нузкьунттайн кьутI маучара,  
ЧантI учин мабара кьатлул залухьру:  
Оьсса кьаст духьурчан, хьулуха насу,  
Хьинсса кьаст духьурчан, кьатлувун ухху.

\*\*\*

Я ччяни, я чIалну – кIюрххих, хьхьуниву  
Нузайн кьутI кьачайссар дустурал тачIав:  
Мудан тIиртIуннассар, дустал, ттул дакI зун,  
Мудан тIивтIуннассар зун дарвазагу.

\*\*\*

Ччарча хьхьудяризал, ччарча дя-дяхтта  
Зу кьутI улучара жул дарвазалийн,  
Хьамаличу увкIун, нузайн кьутI чирчан,  
Балай кунма баяй му чIу ттул вичIан.

## КIалазурдардийсса чичрурду

\*\*\*

Ва аькьил кьаивкIссар,  
Кьучагь кьаивкIссар,  
Ванайн икрам бува –  
Ва инсан ивкIссар.

\*\*\*

Уттавама, ина винма ччимур ба,  
Уттавама, ина ччан бивкIмур уча,  
Хьамамабитара, нажагь бунугу,  
Ттул гьаттацI бившусса чарихгу урган.

\*\*\*

Кьучагь ивкIссар талай бавккумунишал,  
Бавккумур ттигу бур, кьучагьма чув ур?

\*\*\*

Эрэ матIра ина утти, оброчуй!  
Гьаттаву шанай ур залу – виричу.  
Ганал тти вийн хьхьури кьалахантIссар,  
Я дяввилул цIарайн ссур кьабантIссар.

\*\*\*

Гьай, кIакIаш! Виричу ивкIунни куну,  
Ина ххаришиву цахьис мадара!



**Зунттавунасса ххуллий**

\*\*\*

Цукунсса барчагу жува ххуллурду,  
Ахир цара ца дур – циняв шиккун бур.

## Ххаржантрайсса чичрурду

\*\*\*

Вана ттул кIяла кьуру –  
Дуснал кIунттиву бугьан.  
МицI ва дайсса зумарду –  
Душманнал хьазамравун.

\*\*\*

Цилла кьатлув кунна ххаржан кьадакьай,  
Ява, кIулну икIу, ххаржан ласуннин!

\*\*\*

Ххаржан дугьан ччарча, дус, кIулну икIу,  
Каруниаргу хьхьичI бакI аьркиншиву.

\*\*\*

Ванил, зюннав бакьанма,  
КIива балай учайссар:  
Ца балай – бивкIулуха,  
Цагу – тархьаншивруха.

\*\*\*

Мудан ттун цIими шай  
Нава увтманай,  
Ккавккун ччан кьаикIай  
УтантIмагу.

\*\*\*

Вил канихьсса ххаржан кьюкIссар, мурчIссар.  
ТIайла кьадацIарчан, аьтIутIу, уссу!

\*\*\*

Ттуй кIира зума дур  
Душман утайсса:  
Ца дайл дувай ччаврил,  
Цагуририв – зидлил.



**Расуллул хьаралу**

Виричунал цала ттупанг ва ххаржан  
Шийрарча кьадиртсса, гивун кьаларсна.

\*\*\*

Мискин – зунттал чувнал ва гьаттавуасса  
Ххазина, хьус, ризкьи салкьи кьабувссар.  
Амма щиллив тIисса балай ваналли,  
Амма цуририв тIисса балай ванахар.

\*\*\*

Ялугьлай уссия инт дучIаннин ва,  
Марххала гьаннин.  
ДуркIунни, ларгунни интгу ччянира,  
Ванан кьакIулли.

\*\*\*

Гьай, сагьма! Вил кьадар кIусса бивкIхьурча,  
Дард мадара, уссу, ттулмур хьуннича.





\*\*\*

Дунъяллул гъунттулу  
Чянива кIулссар:  
Сси багънугу, ххаржан  
Къучагънахъ дайлссар.

\*\*\*

Хъа байни, ттул къуру кIунттил булугъи,  
Хъамур зумардайсса дайлшиврийн бува.

\*\*\*

Буттал къисас ласун тIий,  
Ятин ххаржан дуллау ур,  
Ятиннал ххаржандалул  
Цимигу анссар ятин.

## ХIан хIачIай къурттайсса чичруду

\*\*\*

Бюхтулнура дикIувча  
Щин хIурматрай, сийлийна.  
Нарив нишал бакIрая  
Щин рутIлан къалавсэссара.

\*\*\*

ХIан хIарчIума лавгун ур,  
ХIачIачIимагу гъанссар,  
ХIарагу-къахIачIайма  
Муригъ шийва личIанма?



Ниттищал

\*\*\*

Лешарчангу ттул цIу,  
Ттуй хIайп мачари,  
ХIайп улучара зу  
Ттул цIу чан хъунай.

\*\*\*

Буттал къатлувуса ужагърах куна,  
ЧувчIаввагу гъили къалагантIиссар.



\*\*\*

Нани, хIачIаннуча, хIачIан шайссаксса,  
ХIачIан багъанамур лякъинтIиссарча.

\*\*\*

ХIан рутIай къурттаран бавцири затру  
Циняв къабаяйссар хIатта Заннангу.

\*\*\*

Винна ччикун хIачIи – чанну, чIаруну,  
Хъамамабитара шапайсса ххулу.

\*\*\*

Ца-ца аькъилгума хIанттил ахIмакъ ай...  
Ца-ца ахIмакъгума хIанттил аькъил ай.

\*\*\*

ХIан хIачIан гъарцаннан, гъай-гъай, бучIиссар,  
Так – циксса, ци чIумал, ссахлу ва щисал

## Таврдайсса ва кIарттайсса чичруду

\*\*\*

Ци кIанттайн оьрмулул ина увтнугу,  
Вишал дикIантIиссар ттул гъилишиву.

\*\*\*

Буттал шяравунай зана ивкIукун,  
ВярчIухсса пуркIугу ссайгъат ххантIиссар.  
ДакIнийн бичинтIиссар бухсса балайрду  
Ина ва цIарах.

\*\*\*

ВичIан бучIантIиссар цIусса балайрду  
Вара цIарахун.

## Аьнди варсайсса чичруду

\*\*\*

Симинияр кIукIлусса варсул чурчив бунугу,  
Чаннаннил дакIру дусса вирттаврал къатта хъуссар.

\*\*\*

Къучагънал ва аькъилнал хъачIунттай бавкъуссара,  
Бурганнуча, бакъайрив утти вилми хъачIунттай.

\*\*\*

Зун къатта къагъарив хъун лухIи варси?  
Ччаву хъусса кIиннан варсигу къаттар.

\*\*\*

Варсулу ссур банссар виричунал чу,  
Ччарча ссапарданий, ччарча дяъвилый.

Адабиятфал  
лаъсин



Варсуй зана хъунссар шавай виричу,  
Я ялтту ливчуну, я кай-кай увну.

\*\*\*

Замгъар буккарчагу, зюви хъурчагу,  
Вин магъи ва шанур лухIисса варси.

\*\*\*

Варси лухIинугу, лухIи дакI дума  
Гъили къаантIиссар, дакI марцIма акъа.

## ОьрчIал кIанттайсса чичруду

\*\*\*

Арамтал, къабагъи –  
ОьрчI шанан ччай ур.  
Я битлан, я бутлан  
Аьркиншив дакъар.

\*\*\*

Чири кIяла хъусса хъунавхъу ттаттай,  
Инагу ссур бувссар вана вава чай.

\*\*\*

МакI ххуйсса ккакканнав шиву шанайнан,  
ТIайлагу дацIаннав макI кIихъра ванан.

## КIиллайсса чичруду

\*\*\*

ЩяикIу кIиллуву хъунав хъунцIакул,  
Ягу чал ччанналун агъаннинцIакул.

\*\*\*

Къучагътурал кIантту я чал кIиллуwur,  
Ягу аьршараву, хъартсса гъаттаwur.

\*\*\*

Къучагъ, мадишара  
На чил чал бурхIай.

\*\*\*

КIиллуву хъуна хъу, хъунассагу хъу,  
КIили вил кIаралур, кIили вил шанур.

## Чагъанттайсса ва чугурдайсса чичруду

\*\*\*

Ина – чагъанара, ххаржан бакъара.  
Ххаржандалияргу ина гужссара:  
Ххаржандалул литIай сагъсса инсантал,  
Инарив ливтIуми уттава бара.

\*\*\*

Къапкъазнал зунттаву балай чай чугур  
Балайлудли цуппа ляхъангу бувсса.

\*\*\*

ДакIнийн бутан ччарча бакъа хъусса дус,  
Хъазамраин лахъан ба ина чагъана,  
Зана бантIиссар вин бакъа хъусса дус,  
ЛакIзалий бунугу, чагъанттулгуча.

\*\*\*

Чил улклуйн ачирчан, чагъана ласи,  
ИчIува ина му къамабитара.  
Гъурбатрай вин мунил гъан бавантIиссар  
Буттахъал улчагу, вилла тIювагу.

Фотосуратирттайнусса жула тарих

# Махаммад Къажлаевлул юбилейран хасну



Махаммад Къажлаев



Гъумучиял цалчинсса колхозниктал. 1930 ш.



Вихьуллал хлүхлалт. 1932 ш.



Гъан-маччаминнал дянив. 1930 ш.




Махаммадгу, Еленагу Гъумукун нани ххуллий. 1930 ш.



Гъумучиял базаллуву



Бакуйсса Къажлаевхъал къатрал ларзулатусса члалчин. 1929 ш.



Буттал Давудлул гъаттайсса клалабарз. Гъумучи. 1924 ш.



Хъьичлавасса Гъумучиял члалчин







